

鉅鹿東觀集

古逸叢書三編之三十一



鉅鹿東觀集

中華書局影印

古逸叢書三編之三十

鉅鹿東觀集（綫裝一函一冊）

中華書局影印

（北京豐臺區太平橋西里三十八號）

新華書店北京發行所發行

浙江蕭山市古籍印務有限公司印刷

定價：一五二元

ISBN 7-101-00168-8/Z·19

一九八七年據北京圖書

館藏宋朝刻本原大影印

鉅鹿東觀集序

曹

樞密直學士

益州充兵馬鈐

印

印

文勝質則史質勝文則野夫詩之作不與文偕大率
情根於意言發乎情點而化之流爲章句且綺靡者
不以煙火爲尚風雅者不以金石爲多但務其陳古
刺今去邪守正而已非所謂者雖懷質文之宏辯負
博賸之逸才故未能臻極于淵閼矣鉅鹿魏野字仲
先甘棠東郭人也秉心孤高植性冲澹視浮榮如脫
屣輕寵利若鴻毛友義朋仁世稀與比自中及長苦
於詩筆每叙事感發見景立言非規方體圓弗爲中

三讀書

性本靜閑書畫
子瞻園書印

印

的故人之美惡物之形態時之興替事之持變視其
激發則可千里之外而應之舊有草堂集行在人間
傳諸海外真可謂一代之名流詎俾乎逸才宏辯者
知也大中祥符中 先皇帝展祀汾睢誕由分陝法
輅所幸博采隱淪是時首被溫詔遜避不起其介癖
也如此余與之交越三十年凡遇景遣興迭爲誦唱
每筒遞往還則馳無遠邇天禧己未歲冬余尹正京
洛許造公居豈謂未及其期而隨物化去 天子聞
乃震悼制贈祕書省著作郎仍錫之賻幣蠲以公徭
其光道也又如此今年春余忝綏益部載歷邵陰憩

止之辰追訪郊墅噫巖亭索寞淒涼此時竹樹青葱
依稀舊日有令息閑尤增素尚綽有父風能琴外亦
酷於二雅出先君所著新舊詩四百篇除零落外以
其國風教化諷刺歌頌比興緣情者混而編之共成
十卷求爲叙述欲使乎先君之道之行彬蔚而不泯
耳余執往知生不當註讓聊陳梗槩用布之于編首
漢書班固引著作局爲東觀因取諸贈典故命之曰
鉅鹿東觀集時天聖元年十二月二十七日序

平陽東路東和天聖五年十二月二十七日

江余姓姓王不富籍隸河南府洛陽縣人。命之曰
十卷宋無姓王姓王不富之族。其族德而不死
其國周姓少屬陳姓。其國姓王不富之族。其
部外二部出夫。其部外王不富之族。其部外
王不富之族。其部外王不富之族。其部外
王不富之族。其部外王不富之族。其部外
王不富之族。其部外王不富之族。其部外

鉅鹿東觀集卷第一

乙巳歲郊天後作

萬物盡熙熙郊天禮畢時
安邊文教遠過海赦書遲
南牧雖無也東封合有之
茅堂自誥詠何必向丹墀

秋日懷王專

菊花原上立村落雨晴初
晚吹清群物秋光澹太虛
空看新鴈字不得故人書
猶賴華亭鶴林閒伴索居

新晴書事上知府宋諫議

美化何因見民謠處處同
雨申諸縣足獄奏半年空
郡閣煙光裏人家霽色中
偶吟知幾句將獻愧明公



贈岐貴推官

動靜不違書如君始是儒婢閑猶畫卦兒戲亦投壺
門冷僧長往官清道更孤吾君能大用皇宋即唐虞
閑居書事

無才動聖君養拙住山村臨事知閑貴澄心覺道尊
成家書滿屋添口鶴生孫仍喜多時雨經春免灌園
寄贈華山致仕韓見素

盡垂華髮戀金門獨乞縣車未五旬清世一般爲隱
逸碧霄兩處應星辰繡衣脫下寧妨貴錦帳眠來不
稱貧瀟灑易添新道氣光陰難改舊風神老輕白傳

方歸洛亂鄙黃公始避秦象簡豈同青竹杖廡冠爭
勝白綸巾世間名系昌朝客物外銜稱太華人醉指
黿頭爲別業吟誇仙掌是比鄰劍生塵土指磨懶書
帶煙嵐睒曝頻石鼓曉聽殊待漏玉潭時看異迷津
琴憐徽外聲彌澹酒愛筯中味更醇精細處方因療
鶴等閑開食爲迎賓芝田女僕皆能採蘭佩兒童亦
解紉丹訣有靈還似性詩篇無病恰如身要君計想
嫌洪景棄室翻應笑子真預祝全家上昇日願停絳
節許相親

和呈冠相公見贈

深嚴相府絕纖埃宴會尋常召不才
孫閣有歌凝翠黛
召棠無訟鑠青苔
鳳池即看三廻入
蝸舍曾蒙數度來
仍賜雅章慙繼和
朱門將獻又徘徊

謝呈冠相公召宴

兩度爲霖六鎮臨
春殘公暇宴棠陰
周瑜辯樂寧妨醉
裴度論兵不廢吟
五色詔書丹鳳降
十香御酒翠娥斟
野人每喜陪罇俎
三入唯愁阻訪尋

上知府冠相公

文武稟全才
何人更可陪
有官居鼎鼐
無宅起樓臺
聖主詩方和
親王狀始廻
鎮臨求二陝
調燮輟三台

鳳閣須重去龍旌暫擁來下車三度雨上事數聲雷
未暇瞻珪璧先蒙訪草萊幾思趨相府恐懼復徘徊
冠相公生辰二首

嶽瀆精英氣來鍾積慶門何時生上相明日是中元
仙藥寧無種靈椿別有根佇期三入後一品見玄孫

其二

弈世英髦命世賢懸弧時節早秋天蟾光望處將三
五鳳曆推來恰半千功向清朝終突元壽同皇祚合
連延預愁來歲逢今日不得中書獻此篇

謝知府冠相公降訪

書睡方濃向竹齋柴門日午尚慵開驚迴一覺遊仙
夢村巷傳呼宰相來

其二

中書兩入寇尚書出鎮雄藩半載餘棠樹陰中無訟
聽閑騎寶馬到茅廬

寇相公生辰因有寄獻

宋朝元老更誰先已詠功成二十年好去上天辭將
相歸來平地作神仙坐看雲岫資閑興卧聽霓裳引
醉眠多少年辰獻詩者應無真禱似狂篇

和威奎秋夜書懷

林中獨坐欲中宵落葉紛紛觸壞袍月影漸移蛩韻
急露華初上鶴聲高四時催老秋偏感萬事縈心夜
更勞猶賴清風知我意頻吹庭竹助蕭騷

上知府袁刑部

星辰雖應碧虛中富貴情疎道氣融遶野雲煙陪淡
薄入衙山水學清通申湖靜泛孤舟月棠樹涼生一
扇風却有祖先難似處獻詩民住樂郊東

謝薛端公寄惠素紗

鶴色紗蒙烏府寄裁衣不稱著林中水亭君有親題
處留待他時染碧籠

寄俞太中山人

太白金來數百年貫之今稱隱其間靜應笑我藏名拙惹得人多到竹關

上知府趙侍郎二首

往哲英靈在重生出鎮初傳巖存舊跡棠樹認前居美化民謠實流言帝覺虛暫來淹外郡再入老中書善欲皆昇舉姦思盡剪除登科嗤負鼎避事鄙懸車權助天生殺才隨道卷舒百官憑整肅萬物待吹噓接士殊龍板尋僧却隼旗嘉謀常啓沃諫草旋焚如赤子方安枕黃巾亦荷鋤囚無經宿禁農有數年

儲山勢朝衙署河聲貫里閭野人攜此詠將獻幾躊躇

其二

坐棠虛廟堂俗亦似身康藥按仙方鍊茶開御印嘗
吏因呈案懼民爲立碑忙公退無餘事逍遙只道裝

冬日書事

一月天不暖前村到豈能閑聞啄木鳥疑是打門僧
松色濃經雪溪聲澁帶冰吟餘還默坐稚子問慵應

盆池萍

乍認庭前青蘚合深疑鑑裏翠鈿稠莫嫌生處波瀾
小兔得漂然逐衆流